



**TUSARNIAANERMUT NALUNAARSUUT
OQAASERTALERSUGAQ**

**Kalaallit Nunaanni pinerluttulerinermi inatsisip aamma Kalaallit
Nunaanni eqqartuussisarnermik inatsisip allanngortinneqarnerat
pillugit inatsit (Malersuineq akiorniarlugu suliniutit
patajaallisaavigineqarnerat, kinaassutsimik atornerluinerup
pinerluutinngortinneqarnera aamma unnerluussuteqarnissamut
piffissaliussap unitsinneqarnera il.il.) pillugu tusarniaanermi akissutit
pillugit**

Ujarliutit

1. Tusarniaaneq	2
1.1. Piffissaq tusarniaaffiusoq	2
1.2. Oqartussat suleqatigiiffiillu il.il. tusarniaavigineqartut.....	2
2. Tusarniaanermi akissutit	5
2.1. Inatsisissatut siunnersuummut nalinginnaasumik oqaaseqaatit	5
2.2. Inatsisissatut siunnersuummi immikkoortunut ataasiakkaanut oqaaseqaatit.....	6
2.2.1. Malersuineq akiorniarlugu suliniutit patajaallisaavigineqarnerat	6
2.2.2. Malersuineq aamma kinaassutsimik atornerluineq pillugit paasissutissanik katersineq statistikkilornerlu	9
2.2.3. Malersuineq akiorniarlugu pitsaaliuinermik suliniuteqarneq.	9
2.2.4. Naligiissitaaneq pillugu naliliineq.....	10
2.2.5. Inatsisissatut siunnersuutip aningaasaqarnikkut kingunissaa	11
3. Inatsisissatut missingiummut naleqqiullugu inatsisissatut siunnersuut .	12

1. Tusarniaaneq

1.1. Piffissaq tusarniaaffiusoq

Kalaallit Nunaanni pinerluttulerinermi inatsisip aamma Kalaallit Nunaanni eqqartuussisarnermik inatsisip allanngortinneqarnerat pillugit inatsimmut missingiut (Malersuineq akiorniarlugu suliniutit patajaallisaavigineqarnerat, kinaassutsimik atonerluinerup pinerluutinngortinneqarnera aamma unnerluussuteqarnissamut piffissaliussap unitsinneqarnera il.il.) piffissami ullormit 24. maj 2024-imit ullormut 21. juni 2024-imit (ulluni 29-ini) oqartussaasunut, suleqatigiiffinnullu il.il. arlalinnut tusarniutigalugu nassiunneqarsimavoq.

Inatsisissatut siunnersuummut missingiut aammattaq Folketing-ip Grønlandsudvalg-ianut aamma Folketing-ip Retsudvalg-ianut ulloq 24. maj 2024 ilisimatitsissutitut nassiunneqarpoq.

Tamatuma saniatigut inatsisissatut siunnersuummut missingiut Tusarniaanermut quppersakkami ulloq 24. maj 2024 tamanut saqqummiunneqarpoq.

1.2. Oqartussaasut suleqatigiiffillu il.il. tusarniaavigineqartut

Oqartussat suleqatigiiffillu il.il. tusarniaavigineqartut pillugit ataani alfabeti malillugu nalunaarsuutit ataani takuneqarsinnaapput.

Tusarniaavigineqartunut ataasiakkaanut tusarniaanermut akissut tiguneqarsimansoq, aamma tusarniaavigineqartoq taamaattoqarsimappat inatsisissatut siunnersuutip missingiutaanut oqaaseqaateqarsimansoq krydsiligassami taaneqarput.

Tamatuma saniatigut soqutiginnitsit, oqartussaasut suleqatigiiffillu il.il. tusarniaavigineqartut akornanniinngitsut, kisianni namminneerlutik inatsisissatut siunnersuutip missingiutaanut oqaaseqaateqarsimasut, nalunaarsuutini ilaatinneqarput. Soqutiginnitsit taamaattut nalunaarsuutini *-imik malunnaatilerneqarput.

Tusarniaavigineqar toq	Tusarniaan ermut akissut tiguneqarsi mavoq	Oqaaseq aatit	Oqaase qaa-teqanng ilaq	Tusarnia a-nermut akissute-qarusunn gilaq
Advokatrådet				
Advokatsamfundet				
Amnesty International				
Avannaata Kommunia				
Dansk IT				
Dansk Socialrådgiverforening				
Danske Advokater				
Danske Handicaporganisationer				
Danske Regioner				
Datatilsynet				
Den Danske Dommerforening	X		X	
Politiit pillugit Naammagittaalliuute qartarfik Arlaannaannulluunniit Attuumassuteqanngitsoq	X		X	
Kalaallit Illuutaat				
Det Kriminalpræventive Råd				
Direktoratet for Kriminalforsorgen	X		X	
Dommerfuldmægtigforeningen				
Domstolsstyrelsen				

Foreningen af Advokater og Advokatfuldmægtige				
Foreningen af Offentlige Anklagere				
Foreningen af Offentlige Anklagere i Grønland				
Foreningen af Statsadvokater				
Kalaallit Nunaanni illersuisut peqatigiiffiat				
Nunatsinni Advokatit				
Nunatta Eqqartuussisuuneqarfia	X		X	
Grønlands Politiforening				
Kalaallit Nunaanni Inuit Pisinnaatitaaffii pillugit Siunnersuisoqatigiit	X	X		
Institut for Menneskerettigheder	X	X		
Justitia				
Kommune Kujalleq				
Kommune Qeqertalik	X	X		
Kommuneqarfik Sermersooq				
Kommunernes Landsforening	X		X	
Eqqartuussisut peqatigiiffiat				
Kriminalpolitisk Forening (KRIM)				
Landsforeningen af Forsvarsadvokater				

Landsforeningen SIND				
Nunatta Illersuisuunera				
Lægeforeningen				
Nunatsinni Advokatit				
PiSiu (Kalaallit Nunaanni Pitsaaliuinnermut Siunnersuisoqatigiit)	X	X		
Politiforbundet i Danmark	X		X	
Psykiatrifonden				
Qeqqata Kommunia	X		X	
Retspolitisk Forening				
Nunatsinni Eqqartuussivik	X		X	
Rigsadvokati	X		X	
Rigspolitiit	X		X	
Østre Landsret	X			X
Vestre Landsret				

2. Tusarniaanermi akissutit

2.1. Inatsisissatut siunnersuummut nalinginnaasumik oqaaseqaatit

Kalaallit Nunaanni Pinerlutsaaliuinnermut Siunnersuisoqatigiit (PiSiu) pinerluttulerinermi inatsimmi allannguutissatut siunnersuutigineqartut nalinginnaasumik pitsaasutut isigaat. Tamatuma peqatigisaanik, suliniutit nutaat piviusunngortinneqarnissaanut isumalluutit pisariaqartinneqartut qulakkeerneqarnissaat pingaaruteqartoq, Siunnersuisoqatigiit erseqqissarpaat.

Teknologiskiusumik ineriartornerup malitsigisaanik periaatsit nutaat pilersinneqarsimasut, taakkutigullu iliuuseqartunit eqqugaasut sakkortuumik malersorneqarsinnaasut nakkarsarneqarsinnaasullu, **Kalaallit Nunaanni Inuit Pisinnaatitaaffii pillugit Siunnersuisoqatigiit** taasimavaat. Nakuusernernerut ilutsit tamakkerlutik ataatsimut isiginiarneqassasut, aamma Kalaallit Nunaat Danmarkilu nakuusernerup pitsaaliorneqarnissaanut, nakuuserit pillugit pinerluttoqarsimaneranik

paasiniaavigineqarnissaannut aamma nakuusertut
eqqartuussisutigoortinneqarnissaannut pisussaaffeqartut,
siunnersuisoqatigiit tamatuma peqatigisaanik maluginiarpaat.

Nakuusernermut ilutsit ersinnginnerusut kiisalu digitaliusumik aamma
tarnikkut nakuusernit maluginiarneqarnerulermata, **Kommune Qeqertallip**
pitsaasutut isigaa.

Malersuinerup pinerluutinngortinneqarnera EMRK-mi artikili 8-mut
(namminerisamik- aamma ilaqutariinni inuunissamik pisinnaatitaaffimmut)
tunngatillugu Kalaallit Nunaata nunat tamat akornanni pisussaaffimminut
naammassinninnissaannut alloriarnerussasoq pitsaasoq, aamma
pinerluutinngortitsineq ataatsimut isigalugu Kalaallit Nunanni inuit
pisinnaatitaaffimmut tunngatillugu siuariarnerussasoq, **Institut For
Menneskerettigheder**-p maluginiarpaat.

*2.2. Inatsisissatut siunnersuummi immikkoortunut ataasiakkaanut
oqaaseqaatit*

2.2.1. Malersuineq akiorniarlugu suliniutit patajaallisaavigineqarnerat

Malersuineq aamma digitaliusumik innarliisarneq pillugit nalinginnaasumik
paasissutissat aamma siunnersuinerit pissarsiarineqassasut, aamma
malersuinermik digitaliusumillu innarliinermik eqqugaasunut
siunnersuisarnerit pilersinneqassasut, **Kalaallit Nunaanni Inuit
Pisinnaatitaaffii pillugit Siunnersuisoqatigiit** innersuussutigaat.

*Malersuineq pillugu pinerluttulerinermi inatsimmi § 88 b-tut
aalajangersagassatut siunnersuutigineqartoq, pinerluttulerinermi
inatsimmi inissisimaffimmi malitsigisaanik, illersuisut pillugit
eqqartuussisarnermik inatsimmi § 333-imi ilaatinneqartussaammat,
Inatsiseqarnermut ministereqarfiup maluginiarpaat. Malersuineq pillugu
suliani, eqqunngitsuliorfigineqartoq illersuisumik
ivertitsivigineqarnissaminut periarfissinneqassammat, taassumalu politiini
killisiuinerni aamma taamaattoqassappat kingusinnerusukkut
eqqartuussisutigoortumik suliaqarnermi, eqqunngitsuliorfigineqartoq
tapersorsorlugulu ilitersorsinnaagaa, tamatuma kinguneraa.*

*Folketingimi ukiuata massakkut atuuttup naannginnerani, Kalaallit
Nunaanni eqqugaasunut siunnersuisarfiup qanoq ililluni sukkanerpaamik*

pilersinneqarsinnaanera pillugu ministereqarfik pilersaarusiamik suliaqarniartoq, Inatsiseqarnermut ministereqarfiup aammattaaq maluginiarpaa.

Qallunaat eqqartuussisarnermik inatsisaanni § 242-imi aamma § 264 e-mi allannguinerup assigisaata naammassineqarneranut atatillugu, Danmarkimi paasititsiniaanermik assigisaanilluunniit aallartitsisoqarsimangitsoq, Inatsiseqarnermut ministereqarfiup aammattaaq ilisimatitsissutigissavaa. Inatsisissatut siunnersuutip akuersissutigineqarneranut atatillugu Kalaallit Nunaanni paasititsiniaasoqarnissaata aallartinneqarnissaa, Inatsiseqarnermut ministereqarfiup eqqarsaatiginngilaattaaq.

Meeqqat tarnikkut nakuuserfigineqarnermik isiginnaartut, assersuutigalugu malersuinikkut, inatsimmi allaaserineqarnissaat kissaatiginartoq, taamaalilluni kommunit meeqqanik inuusuttunillu sullissinerat ersarinnerulerniassamat, **Kommune Qeqertallip** taavaa. Eqqartuussutit Alliami katsorsarneqarnissamik eqqartuussutaasut, ukiukitsunut aamma neqeroorutaasinnaanerat kommunip aammattaaq siunnersuutigisimavaa.

Meeqqat tarnikkut nakuuserfigineqarnermik isiginnaartut pineqartillugit, inuk inoqutigiinni allap akuuffigisaani ilaasoq qanittumilluunniit attuumassuteqartoq imaluunniit siusinnerusukkut inoqutigiinnut taakkununga taamatut attuumassuteqarsimasoq, aamma piffissap ingerlanerani uteqqiattumik, allamat pineqartumut assuarnartumik aqutsissutitut naleqquttumik, ingasattumik nikassaanermik, ajortumik pinninnermik imaluunniit kannguttaatsuliornermik pissusilersortoq, matumani naqisimanninnikkut, pinngitsaaliinikkut imaluunniit nakuusernikkut nammineq inuuneqarnissamut siunissarlugu pillugu nammineq aalajangiisinnaanissamut killersuineq ilanngullugit, tarnikkut nakuusersimasutut eqqartuunneqassasoq, pinerluttulerinermi inatsimmi § 88 a-mi takuneqarsinnaamat, Inatsiseqarnermut ministereqarfiup taamaattoq maluginiassavaa.

Qanoq iliornernut assersuutitut – pissutsit assigiinngitsut erseqqinnerusut apeqquaatillugit – Folketingstidende 2023-24, ilanngussaq A, L 14 saqqummiunneqarsimasoq, qupperneq 4 malillugu, aalajangersakkamut piareersaataasumik suliani ilaatigut meeqqap angajoqqaavinut qatanngutaanulluunniit, meeqqap nakuusernermik, tarnikkut nakuuserfigineqarnermik imaluunniit innarliinernik allanik

isiginnaarnera, nikassaanertut, ajortumik pineqarnertut aamma innarliinertut isigineqarsinnaapput.

Tamatuma saniatigut meeraq qanigisami tarnikkut nakuuserfigineqarneranik isiginnaarpat, tamanna pissutsitut sukannernerulersitsisutut ilaasariaqartoq, pinerluttulerinermi inatsimmi § 88 a-mut piareersaataasumik suliani takuneqarsinnaavoq.

Ukiukinnerusunut Alliami katsorsarneqarnissamik neqeroorteqartoqarsinnaanera pillugu siunnersuut pineqartillugu, Inatsiseqarnermut ministereqarfik Naalackersuisunut innersuussivoq, taakkunungami Kommune Qeqertalimmit tusarniaanermut akissut aammattaaq saqqummiunneqartussaavoq.

Meeqqat malersuineramik isiginnaarnerat, malersuineq pillugu qallunaat pillaasarnermik inatsisaannut § 242-mut, inatsisissatut siunnersuutip massuma annertuumik tunngavigisaani, piareersaataasumik suliani erseqqinnerusumik allaaserineqanngitsoq, Inatsiseqarnermut ministereqarfiup aammattaaq ilisimatitsissutigisinnaavaa. Tamassuma inatsisissatut siunnersuummi matumani annertunerusumik erseqqissarneqarnissaa, Inatsiseqarnermut ministereqarfiup pissutissaqartissimanngilaa.

Nuna tamakkerlugu nakuuserneq pillugu iliuusissatut pilersaarusiame tullermi, tarnikkut nakuuserfigineqarneq aamma digitaliusumik innarliinerit pillugit suliniutinik imaqqassasoq, **Kalaallit Nunaanni Inuit Pisinnaatitaaffii pillugit Siunnersuisoqatigiit** aamma **Kalaallit Nunaanni Pinerlutsaaliuinermit Siunnersuisoqatigiit (PiSiu-p)** innersuussutigaat.

Naalackersuisut Qanigisariinni nakuusertarnerup akiorneqarnissaa pillugu iliuusissatut pilersaarutaat 2023-2027, tassani ilaatigut angerlarsimaffimmi nakuusertarnerup pitsaaliorneqarnissaa aamma qanigisariinni nakuusertarneq pillugu ilisimasaqarneq suliniuteqarfigineqartussaallutik, Inatsiseqarnermut ministereqarfiup innersuussutigaa.

Taama tulleriillutik, Kalaallit Nunaanni Inuit Pisinnaatitaaffii pillugit Siunnersuisoqatigiit aamma Kalaallit Nunaanni Pinerlutsaaliuinermit Siunnersuisoqatigiit (PiSiu-p) tusarniaanermut akissutaat

Naalackersuisunut saqqummiunneqarumaarmat, Inatsiseqarnermut ministereqarfiup maluginiarpaa.

2.2.2. Malersuineq aamma kinaassutsimik atornerluineq pillugit paasissutissanik katersineq statistikkilornerlu

Digitaliusumik aamma internettimut attaveqarani nakuusernermut ilutsit annertussusaat siammarsimanerallu pillugit oqartussaasut paasissutissanik ilisimasanillu pilersitsissasut, **Kalaallit Nunaanni Inuit Pisinnaatitaaffii pillugit Siunnersuisoqatigiit** innersuussutigaat.

Kalaallit Nunaanni inatsisinik atuutitsinermit suliaasaqarfik pillugu kikkut tamat aamma Danmarkimi Kalaallit Nunaannilu oqartussaasut paasissutissanik nutaanik nutartikkanillu tikinnissinnaanissaat pingaaruteqartoq, Inatsiseqarnermut ministereqarfiup isumaqatigaa.

Politiit sulianik aqutsinissamut systemiata (POLSAS) eqqunneqarnerata, Kalaallit Nunaanni Politiit paasissutissanik katersisinnaanerata- aamma nalunaarusiorsinnaanerata pitsaanerulersissagaa, Inatsiseqarnermut ministereqarfiup tassunga atatillugu ilisimatitsissutigisinnaavaa. Rigspolitiit saqqummiussiviat (QlikView), nalunaarusiornermut statistikkilornermullu atorneqartartoq, tamatuma saniatigut atortussanngortinneqassaaq.

Siumut isigisumik Kalaallit Nunaanni pinerluttulerinermi inatsimmik unioqqutitsinerit pillugit paasissutissanik pitsaanagerusumik pitsaassusilinnik, matumani taama tullerillutik, malersuinerit aamma kinaassutsimik atornerluinerit, pinerluutinngortinneqarnissaannut siunnersuutigineqartut ilanngullugit, pilersitsisoqarsinnaanissaa, taamaalilluni naatsorsuutigineqarpoq.

2.2.3. Malersuineq akiorniarlugu pitsaaliuinermit suliniuteqarneq

Taamaalilluni iliuutsit taamaattut qimanniassagamigit, iliuuseqartup pisariaqartinneqartumik ikiorneqarnissaa tapersorneqarnissaalu pingaaruteqartoq, **Kalaallit Nunaanni Pinerlutsaaliuinermit Siunnersuisoqatigiit (PiSiu-p)** maluginiarpaa.

Iliuuseqartup suli allanik inatsisinik unioqqutitseqqinnissaminut inissiisarfimmi inissinneqarnissamik eqqartuussummik

pinerloqqinngikkaanni naammassineqartussaannngitsumik
eqqartuunneqarnera naammannngitsoq eqqartuussiviup nalilerpagu,
kisiannili nakkutiginninnerup kingunerisaanik, taanna
tapersorsorneqarnissaminik pisariaqartitsisoq nalilerpagu,
pinerluttulerinermi inatsimmi kapitali 28 malillugu nakkutigineqarnermik
eqqartuussineq eqqartuussiviup qinersinnaavaa, imaluunniit
pinerluttulerinermi inatsimmi kapitali 30 malillugu, inissiisarfimmi
inissinneqarneq aamma nakkutigineqarneq pillugu eqqartuussineq
qinersinnaallugu.

*Taamatut eqqartuussinikkut, eqqartuussaasup, pinerluttunik isumaginnittut
aalajangiinerat malillugu 1) tamanna pisariaqartinneqarpat, Kalaallit
Nunaanni immikkut ittumik sullissivimmi napparsimavimmiluunniit
imigassamik, ikiaroorartumik imaluunniit atortussanik allanik
atornerluinerminut atuiunnaarsarneqarnermik katsorsartissasoq, 2)
tamanna pisariaqartinneqarpat, Kalaallit Nunaanni napparsimavimmi
nakorsamit katsorsartissasoq, imaluunniit 3) pinerluttulerinermi inatsimmi
§ 135, imm. 1, aamma § 145, imm. 1-imi oqaaseqatigiit pingajuat malillugu
tarnikkut katsorsartissasoq imaluunniit tarnikkut napparsimanermut
katsorsartissasoq, eqqartuussiviup piumasaqaatitut aalajangersinnaavaa.*

*Piumasaqaatit allat, siunertaminnut naleqquttut eqqartuussiviup
aalajangersinnaavai, matumani eqqartuunneqartoq 1) imigassamik,
ikiaroorartumik atortussanik assigisaannillunniit atuissanngitsoq, 2)
imigassamik imissanngitsoq imaluunniit pissarsissanngitsoq imaluunniit 3)
isertitanik pisuussutinillu atuisinnaanerup killilersorneqarnissaa pillugu
aamma pinerluttulerinermi inatsimmi § 136, imm. 1, aamma § 145, imm. 1-
imi oqaaseqatigiit pingajuat malillugu aningaasatigut pisussaaffiit
naammassineqarnissaat pillugu pinerluttunik isumaginnittut
aalajangigaannik malinnissasoq, eqqartuussiviup aammattaaq
aalajangersinnaavai.*

2.2.4. Naligiissitaaneq pillugu naliliineq

Inatsisissatut siunnersuut naligiissitaaneq pillugu naliliinermik
imaqanngitsoq, **Institut For Menneskerettigheder**-p maluginiarpaq.
Inatsisissatut missingiut – instituttip naliliinera malillugu – malersuinerup
amerlanertigut arnat eqqortarmagit, naligiissitaanermut tuungasunik
aralinnik kinguneqartoq, instituttip aammattaaq taavaa.

Tamanna naleqquttuutillugu, aamma taamaattoqassappat naligiissitaanermut tunngasunik kingunerisassat pingaaruteqartut nalilerneqarpata, inatsisissatut siunnersuummi naligiissitaaneq pillugu naliliineq suliarineqassasoq, inatsisit pitsaassusaat pillugit Inatsiseqarnermut ministereqarfiup ilitsersuutaani imm. 4.2.6.3-mi takuneqarsinnaavoq. Inatsisissatut siunnersuut taamaattunik kinguneqartussatut naatsorsuutigineqanngippat, tamanna oqaaseqaatini ilisimatitsissutigineqartariaqanngilaq.

Malersuineq pillugu pinerluttulerinermi inatsimmi namminerisamik pinerluutinngortitsineq pillugu inatsisissatut siunnersuutip suliarineqarneranut atatillugu, inatsisissatut siunnersuut naligiissitaanermut tunngasunik kinguneqassanersoq, Inatsiseqarnermut ministereqarfik nalilersuisimavoq.

Erniinnartumik naligiissitaanermut tunngasunik inatsisissatut siunnersuut kinguneqarnavianngitsoq, Inatsiseqarnermut ministereqarfiup nalilerpaa, taamaammatt inatsisissatut siunnersuummi kingunerisassat taamaattut ministereqarfiup ilisimatitsissutigisimangilai. Naliliinermut tassunga atatillugu, inatsisissatut siunnersuut arnanut angutinullu assigiinngitsunik kinguneqarnavianngitsoq Inatsiseqarnermut ministereqarfiup pingaartissimavaa, tassami malersuineq pillugu aalajangersagassatut siunnersuutigineqartoq piumasaqaatinik assigiinnik piumasaqaateqarluni angutinut arnanullu atuutissammat. Suaassutsip aappaata eqqugaasutut amerlanerussuteqarujussuarnissaanik naatsorsuuteqartoqarsinnaanera apeqqutaatinnagu, tamanna atuuppoq.

2.2.5. Inatsisissatut siunnersuutip aningaasaqarnikkut kingunissaa

Inunnut nalunaarsuinerimik suliaqartussanut isumalluutit naammattut qulakkeerneqarnissaat, **Kalaallit Nunaanni Inuit Pisinnaatitaaffii pillugit Siunnersuisoqatigiit** innersuussutigaa. Suliniutit nutaat piviusunngortinneqarnissaannut isumalluutit pisariaqartinneqartut qulakkeerneqarnissaat pingaaruteqartoq, **Kalaallit Nunaanni Pinerlutsaaliuinerimut Siunnersuisoqatigiit (PiSiu-p)** maluginiarpaa.

Inatsisissatut siunnersuutip imm. 3-ani takuneqarsinnaasutut, politiinut unnerhuussisussaataitaasunullu kiisalu eqqartuussivinnut inatsisissatut siunnersuutip aningaasartuuteqarnernik, suliassat amerlineqarnerannut atatinneqarsinnaasunik, killilinnik kinguneqarnissaa

naatsorsuutigineqarpoq. Tassunga ilanngullugu pinerluttunik isumaginnittunut aningaasartuuteqarnerunerit ukiumut 0,7 mio. kr.-iniit 4,0 mio. kr.-it missaaniittut, Kalaallit Nunaanni pinerluttunik isumaginnittuni amerlanerusunik isertitsivimmiititaqalernermit atassuteqartut, naatsorsuutigineqarput.

3. Inatsisissatut missingiummut naleqqiullugu inatsisissatut siunnersuut

Inatsisissatut siunnersuummut missingiummut, tamanut tusarniutigineqartumut naleqqiullugu, oqaatsitigut, aaqqissuinermit tunngasunik aamma inatsisilerinikkut pitsaassutsinik isumannaarinissamat tunngasunik allannguinerinik suliaqartoqarpoq.